

# Ikajuttigedluta SanginiKatsiavugut.

## Ikajuttigedluta SanginiKatsiavugut

### PITJUTAUJUIT

#### KAUJITITSIUTIK ANGIKATIGEGUTIK SAGVATAUSIMAJUNIK NUNANIK CANADAMI TORNGAIT KAKKASUANGINNI

Kaujtititsiutik angikategegutik atitâttausimajuk Canadamut Newfoundland Labradorimullu âkKisisimavuk atuttaugatsanik piusitsanillu kavamanganut Newfoundland Labradoriullu angikategedlutik aittotaukKudlugit Canadamut aulatsiningit ilonnainik nunanik Torngait KakKasuanginni Nunatsualimâmi Sagvatausimajunik Nunanik Canadami.

SatusaiKatigesimavut akungani kavamanga Canadaup ammalu Newfoundland Labradoriullu pijagettaukKullugu una angikategegutik sitamatsiamagini jârini pijagettaugasuadluni.

Ilumiutangit angikategennimi:

- Malittaugialet angiotausimajut federal ammalu prâvinsiup kavamanganut sakKititaukKulugit Torngait kakKasuanginni Nunatsualimâmi Sagvatausimajut Nunait Canadami.
- Sagvatausimajunik kamajet Canadami uKasimavut atugiamik \$14 million dâlanik sivullipâni senani jârini angikategegutik pannaitausimaninganit, pivallianinginni, aulatsigiamut ammalu kamagillugit sagvatausimajuit nunait.
- SakKititauningit federal-prâvinsimullu Kaujimatitsijitsait katimajet – sivullipaujuk taimaittodluni Canadami – katiKatigeKattalutik atausiallutillonet jârimi isumagijaujuit kamagillugit ilingajuit Sagvatausimajunut Nunanut Canadami angittausimallutik Newfoundland Labradorimullu.

- SakKititausimangingit inulimât uKâlaKatigennisangit – ammalu sivullipaummijuk taimaittodluni Canadami – atuttaulâttuk Labradorimi tallimait jâret nâtuagaippata inulimât pivitsaKaKullugit Kimiggugiamut sunanik uKautjigiallutillu sunanut ilingajunik Torngait KakKasuanginni Nunatsualimâmi Sagvatausimajuni Nunanik Canadami.
- Sagvatausimajunik Nunanik kamajet Canadami uKasimavut sakKititsigiamik sagvatausimajunik nunanik aulatsivitsamik suliaKapvimik, ammalu pulâgiattausongutillugit sungiutisagiattulugillu, nunalinginni Nain, Labradorimi.
- I lumiutangit piusiumititsigiamut uKautaujuit silakKijapvini sagvatausimajuni nunani pivitsaKallutik ilingajunut sagvatausimajuni nunani ammalu inigijaunginnasimajuni Newfoundland Labradorimilu.

Una angiKatigegutik ilingavuk maligatsanut piusitsanullu âkKitausimajuit Labradorimi Inuit Nunamik Satusaijet AngiKatigengani. Torngait KakKasuanginni Nunatsualimâmi Sagvatausimajuit Nunait Canadami taimailingainnaniakKut sagvatausimajollutik Canadami (adjigingitanga sagvatausimajuit) kisiani ilonnatik nunamik satusainet nunani pijagetausimalippata.